

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
OPĆINSKI SUD U SARAJEVU  
Broj: 65 0 I 739733 23 I 4  
Sarajevo, 29.10.2024. godine

Općinski sud u Sarajevu, sudija Milada Mumović, u izvršnom postupku tražioca izvršenja M.J., Jelah, zastupan po ZAK advokati Cerovac Mustafa i Cerovac Damir iz Tešnja, protiv izvršenika F.D. iz Sarajeva, ul. Varaždinska broj 19, radi izvršenja, v.s.p. 11.223,20 KM, a na osnovu čl. 130. Zakona o izvršnom postupku („Službene novine FBiH“, br. 32/03 i 33/06/, d o n o s i

**Z A K L J U Č A K**  
**- o prodaji pokretnih stvari –**

**ODREĐUJE SE prvo ročište** za prodaju pokretnih stvari izvršenika javnim nadmetanjem/neposrednom pogodbom za dan **PETAK, 06.12.2024. godine u 9,00 sati** koje će se održati u Općinskom sudu u Sarajevu, ulica Šenoina broj 1, soba 454/IV, taksativno navedenih kako slijedi:

1. TV – THOMSON (crne boje)	400,00 KM
2. KAUČ i FOTELJA (crvene boje)	500,00 KM
3. STOL i 4 STOLICE (smeđe boje)	600,00 KM
4. PLAKAR (smeđe boje)	500,00 KM

Zaključno sa rednim brojem 4 (četiri).

1. Rješenjem ovog suda broj 65 0 I 739733 18 I od 17.01.2019. godine (pravosnažno sa danom 18.09.2019. godine) i rješenja o promjeni predmeta i sredstva izvršenja broj 65 0 I 739733 20 I 2 od 20.09.2020. godine (pravosnažno sa danom 13.10.2020. godine), određeno je izvršenje pljenidbom, procjenom i prodajom pokretnih stvari izvršenika.

2. Konstatuje se da je sudski izvršilac dana 15.10.2024. godine obavio pljenidbu pokretnih stvari izvršenika, o čemu je sastavio pljenidbeni popis. Zaplijenjene pokretne stvari ostavljene su na čuvanje izvršeniku uz zabranu daljeg raspolaganja i omogućavanja nesmetanog razgledanja stvari potencijalnim kupcima. Istovremeno je sudski izvršilac procijenio vrijednost svake pojedinačne zaplijenjene pokretne stvari.

3. Na prvom ročištu za prodaju pokretnih stvari, a koje se mogu razgledati na adresi prebivališta izvršenika ul. Varaždinska broj 19, Sarajevo, uz prethodnu najavu, iste se ne mogu prodati ispod 1/2 procijenjene vrijednosti svake pojedinačne pokretne stvari.

Na javnom nadmetanju kao kupci mogu učestvovati samo lica koja su prethodno dala osiguranje koje iznosi jednu desetinu utvrđene vrijednosti pokretne stvari koja se želi kupiti.

Uplata osiguranja se vrši na depozitni račun Općinskog suda Sarajevo broj **1411965320009639 kod: BOSNA BANK INTERNATIONAL DD SARAJEVO**, sa naznakom broja predmeta.

4. Ponuđač sa najvećom ponudom će platiti cijenu za pokretne stvari odmah nakon objavljivanja rezultata.

5. Ako se pokretne stvari ne prodaju na prvom ročištu, Sud će oglasiti da prvo ročište nije uspjelo, te na zahtjev jedne od stranaka, koji se može podnijeti u roku od 8 (osam) dana od održavanja neuspjelog ročišta, zakazati drugo ročište za prodaju pokretnih stvari.

6. Ako stranke ne predlože održavanje drugog ročišta za prodaju u roku iz tač. 5. ovog Zaključka ili ukoliko se pokretne stvari ne uspiju prodati na drugom ročištu. Sud će obustaviti postupak.

7. Ovaj Zaključak objavit će se na oglasnoj tabli Općinskog suda u Sarajevu, a tražilac izvršenja može isti o svom trošku objaviti u sredstvima javnog informisanja.

NAPOMENA: sudskom izvršiocu kao ovlaštenom licu za provođenje ovog Zaključka da ima u vidu da ukoliko treća lica ne obavijeste Sud o svojim pravima na pokretnim stvarima u posjedu izvršenika koja su predmet izvršenja, niti dokažu svoja prava na njima, smatra se da takva prava trećih lica ne postoje i da su izvršenici vlasnici stvari koje se nalaze u njihovom posjedu.

SUDIJA  
Milada Mumović

**POUKA:** Protiv ovog zaključka nije dozvoljen pravni lijek.